



CONCELLO DE VIGO
Secretaría de Goberno Local

D^a. PATRICIA RODRIGUEZ CALVIÑO, CONCELEIRA-SECRETARIA DA XUNTA DE GOBERNO LOCAL DO CONCELLO DE VIGO

C E R T I F I C O: Que a Xunta de Goberno Local, na **sesión ordinaria do 1 de setembro de 2023**, adoptou o seguinte acordo:

35.- SUBVENCIÓN NOMINATIVA AO CONSERVATORIO SUPERIOR DE MÚSICA DE VIGO PARA O FINANCIAMENTO DO PROGRAMA “VIII FESTIVAL DA MÚSICA E DAS ARTES NAS ONDAS” DURANTE O EXERCICIO 2023. EXPTE. 5024/330.

Visto o informe xurídico do 24/07/2023 e o informe de fiscalización do 18/08/2023, dáse conta do informe-proposta do 19/07/2023, asinado polo xefe do servizo de Xestión e Promoción Cultural, o concelleiro-delegado de Cultura, a concelleira da Área de Goberno e o concelleiro da Área de Orzamentos e Facenda, que di o seguinte:

Con data 15 de xuño do 2023, o Conservatorio Superior de Música de Vigo presenta escrito de solicitude de subvención para a organización do " VIII Festival da Música e das Artes nas Ondas 2023"; por este motivo, con data 15 de xuño, o concelleiro-delegado da Área de Cultura resolveu que por parte desta xefatura se iniciase o expediente de subvención correspondente con esta entidade para regulala, polo importe de 4.000 € con cargo á aplicación orzamentaria 3340.480.00.12 do orzamento municipal vixente.

O día 30 de xuño do 2023 emitise informe proposta de *aprobación da concesión directa da subvención de 4.000 euros (catro mil euros) ao Conservatorio Superior de Música de Vigo , CIF. Q-8650014G, para o financiamento do VIII Festival da Música e das Artes Nas Ondas 2023 .*

O día 12 de xullo do 2023 a Asesoría Xurídica do Concello, insta ao Servizo Xestor que recade as aclaracións oportunas sobre o seguinte:

"Constan no expediente dous proxectos/memorias da actividade a subvencionar (e orzamento de ingresos e gastos): unha primeira asinada o 15/06/2023 e unha segunda asinada o 27/06/2023 que semella que foi presentada en atención ao requirimento de enmenda.

Obsérvase que no último proxecto/memoria o importe do orzamento de gastos é superior e cunha menor desagregación dos gastos (10.015 euros). E ademais difire do indicado na proposta de resolución ("8.015 euros").



Copia do documento - Concello de Vigo	Data impresión: 15/05/2024 19:09	Páxina 1 de 12
SUBVENCIONS	CSV: AAA148-E43AE8-2248D2-86TCEL-T466RG-FD	

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

En canto ao orzamento de ingresos obsérvanse tamén discrepancias na documentación obrante no expediente: na declaración responsable o solicitante manifesta que solicitou e recibiu unha axuda de 4.000 euros da Consellería de Educación para esta mesma actividade, que descoñecemos si se corresponde coa contía indicada no proxecto ou memoria (“Dirección Xeral do Centro e Recursos Humanos: 4.000 €”) e ademais difire da indicada na proposta de resolución (“Consellería de Cultura: 4.015 euros”).

Con datas 13 e 14 de xullo do 2023 requiriuse á entidade interesada para que emende e clarifique o sinalado no informe da Asesoría Xurídica, subsanación que achega en doc. núm. 23012139 e doc. 230211492 do 14.07.2023, onde xunto con outra documentación incorpora escrito aclaratorio que se incorpora ao expediente onde explica o seguinte:

“por erro do que subscribe coa Vicedirección, a táboa que figura co orzamento era dunha edición anterior. Tamén fago constar que as non coincidencias dos documentos son debidas a este motivo, e que o orzamento final é de 8.015€, que son os que figuran na documentación remitida o 15 de xuño. Así mesmo cando se consulta sobre a Consellería de Educación ou sobre a Dirección Xeral de Centros e RRHH, cabe clarexar que dita Dirección Xeral pertence a Consellería de Cultura, Educación, Formación Profesional e Universidades, e é a que libra os orzamentos para os centros sostidos con fondos públicos”

En consecuencia, incorpórase nova memoria de xullo do 2023 que contén o orzamento definitivo e emítese novo informe proposta no sentido que a seguir se indica:

“ANTECEDENTES.-

O Conservatorio Superior de Música de Vigo é un centro educativo dependente da Consellería de Cultura, Educación e Ordenación Universitaria da Xunta de Galicia, creado na nosa cidade no ano 1956, que ademais realiza actividades de tipo cultural abertas a toda a cidadanía, entre elas o programa **FESTIVAL DA MÚSICA E DAS ARTES “NAS ONDAS”**, que serven como medio de promoción e dinamización da cultura da cidade e que celebra a quinta edición. O obxectivo fundamental do programa é a difusión das Artes Escénicas en xeral, con maior fincapé nas musicais e tamén quere dar a oportunidade ao desenvolvemente artístico e novos talentos, estudantes e persoas recén tituladas que poidan convivir nun espazo artístico con persoas de renome e traxectorias mais marcadas no ámbito da música.

PROGRAMA E ORZAMENTO: O programa do “VIII **FESTIVAL DA MÚSICA E DAS ARTES NAS ONDAS 2023**” foi o seguinte:



Copia do documento - Concello de Vigo	Data impresión: 15/05/2024 19:09	Páxina 2 de 12
SUBVENCIONS	CSV: AAA148-E43AE8-2248D2-86TCEL-T466RG-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
Secretaría de Goberno Local

Marzo			
Mércores 1 20 h	Recital de piano Álvaro Sieira	DE PIANO	Auditorio Martín Códax
Martes 7 20 h	ClariNext I Marta Diéguez, Joao Pedro da Gama, Juan José López, Ignacio Da Vila Severino Ortíz (piano)	IV SEMANA INTERNACIONAL DO CLARINETE	Auditorio Martín Códax
Mércores 8 21 h	ClariNext II: Dúo Carrera Adriana Carrera e Noelia Carrera	IV SEMANA INTERNACIONAL DO CLARINETE #diadamuller	Café Vitruvia
Xoves 9 20 h	Concerto de profesorado convidado Geert Baeckelandt (Países Baixos), Vitor Matos (Portugal), Rimvydas Savickas (Lituania), Massimo Mazzone (Italia) Pablo Rodríguez (piano)	IV SEMANA INTERNACIONAL DO CLARINETE	Auditorio Martín Códax
Luns 13 20 h	Recital de piano: obras de compositores pianistas Manuel Muñiz, Miguel Montes	DE PIANO	Auditorio Martín Códax
Mércores 15 20 h	Gershwin e o jazz Virginia Serantes, Álvaro Vidal, Rafael Rodríguez, Mirta Arribas, Eva Fernández, Daria Maksymova, Lara Quesada, Natalia Rial, Livia Leal	DE PIANO	Auditorio Martín Códax
Xoves 16 20 h	O piano no século XXI: unha nova música para un novo século Alumnado de piano	DE PIANO	Auditorio Martín Códax
Venres 17 20 h	Recital de piano Iria Ramos, José García, Laura Formigo, Nedim Seferovic, Marta Bachek	DE PIANO	Auditorio Martín Códax
Mércores 22 20 h	Recital de profesorado das Academias de Música de Albania e Montenegro	SON ERASMUS	Auditorio Martín Códax
Xoves 23 20 h	Recital de profesorado das Academias de Música de Albania e Montenegro	SON ERASMUS	Auditorio Martín Códax
Venres 24 20 h	Dúo violonchelo e piano Álvaro Quintanilla (cello), Constantino Pérez (piano)	EXPLURART	Auditorio Martín Códax
Luns 27 20 h	CSM Big Band Coruña Fernando Llorca (director)	EXPLURART	Auditorio Martín Códax
Xoves 30 20 h	Cuarteto Ton Risco (vibráfono), Antonio Casado (guitarra), Alfonso Calvo (contrabaixo), Miguel Cabana (batería)	PercusiónFest	Auditorio Martín Códax
Venres 31 19:30 h	Concerto Compartido Escolas de música de Cangas, Allariz e Xinzo de Limia, Attacca (CMUS Profesional da Coruña), PercuCa (CMUS Profesional do Carballiño), Ensemble de percusión do Conservatorio Municipal Víctor Ureña de Redondela, Grupo de percusión do CSM da Coruña, Grupo de percusión do CMUS Profesional de Vigo, Grupo de percusión do CSMVigo	PercusiónFest	Auditorio Martín Códax
Abril			
Mércores 12 20 h	Recital de profesorado das Academias de Música de Saraxevo e Montenegro	SON ERASMUS	Auditorio Martín Códax
Xoves 13 20 h	Recital de profesorado das Academias de Música de Saraxevo e Montenegro	SON ERASMUS	Auditorio Martín Códax
Luns 17 20 h	Recital de profesorado da Academia de Música de Saraxevo Zlatan Bozuta (piano), Omer Blentic (piano).	SON ERASMUS	Auditorio Martín Códax



Mércores 19 20 h	Dúo saxofón e piano Virgo Veldi (saxofón, Academia Estonia de Música e Teatro), Pablo Rodríguez (piano)	SAXORNADAS	Auditorio Martín Códax
Xoves 20 20 h	Recital de piano Sergio Gómez (piano)	EXPLURART	Auditorio Martín Códax
Venres 21 20 h	Sendeiros paralelos Escola de Danza Media Punta, Alumnado do Conservatorio Profesional de Música de Vigo e do Conservatorio Superior de Música de Vigo. Cristina Rodríguez (directora coreográfica), Diego Ventoso (director artístico)	EXPLURART	Auditorio Martín Códax
Luns 24 20 h	O saxofón húngaro Erzsebet Seleijo (saxofón, Academia de Música Franz Liszt de Budapest), Pablo Rodríguez (piano)	SAXORNADAS	Auditorio Martín Códax
Martes 25 20 h	Ensembles de saxofóns do CSM da Coruña e do CSMVigo	SAXORNADAS	Auditorio Martín Códax
Mércores 26 20 h	Performa Ensemble: A palabra da música Helena Marinho (piano), Henrique Portovedo (saxofón), Jorge Salgado Correia (fauta), Joana Carvalho (actriz)	SAXORNADAS	Auditorio Martín Códax
Xoves 27 13 h	A creación dunha tese de doutoramento: Proceso e fases. O saxofón nas bandas de música galegas no século XIX Sara Seoane	SAXORNADAS	Auditorio Martín Códax
Xoves 27 20 h	A transcripción para saxofón e piano Aula de saxofón do CSMVigo (Miguel Bargiela, Noelia Fraga, Gemma Mestres, Javier Rodríguez), Pablo Rodríguez (piano)	SAXORNADAS	Auditorio Martín Códax
Venres 28 12 h	Relatorio: HistoriSax Antonio Fernández (relator, saxofón), Pablo Rodríguez (piano)	SAXORNADAS	Auditorio Martín Códax
Venres 28 13 h	Concerto da Aula de saxofón do CMUS Profesional de Santiago de Compostela Rubén Forte (sax. soprano), Manuel Ramos (sax. alto), Sergio Quintana (sax. tenor), Manuel Rodríguez (sax. barítono), Miguel Valls (piano), Alejandro Cimadevila e Sara Seoane (profesores)	SAXORNADAS	Auditorio Martín Códax
Venres 28 20 h	Recital de piano Guillem León Vivas (becado Fundación Grupo Sifu)	EXPLURART	Auditorio Martín Códax
Maio			
Mércores 3 20 h	Solo Beethoven Daniel Pereira (piano)	EXPLURART	Auditorio Martín Códax
Xoves 4 20 h	Orquestra Sinfónica do CSMVigo Juan Carlos Díaz (director)	AGRUPACIÓNS CSMV	Auditorio Martín Códax
Venres 5 20 h	Trio clarinete, violonchelo e piano Esteban Valverde (clarinete), Ana Torres (violonchelo), Cristina García (piano)	EXPLURART	Auditorio Martín Códax
Luns 8 19 h	Proxección do documental Dorothé na vila	LETRAS GALEGAS	Auditorio Martín Códax
Xoves 11 20 h	Banda de Música do CSMVigo Juan Carlos Díaz (director)	AGRUPACIÓNS CSMV	Auditorio Martín Códax
Venres 12 20 h	Monográfico sobre Eligio Vila Vázquez Fernando Raña (fauta), Luis Caballero (violonchelo), Rasa Biveiniene Jakutyte (piano)	LETRAS GALEGAS	Auditorio Martín Códax
Xoves 18 20 h	Concerto de poesía musicada Alumnado e profesorado do Departamento de Canto	LETRAS GALEGAS	Auditorio Martín Códax
Venres 19 20 h	a fruta en Galicia Manuel Morales (fauta), Raúl Rodríguez (piano)	LETRAS GALEGAS	Auditorio Martín Códax



Copia do documento - Concello de Vigo Data impresión: 15/05/2024 19:09 Páxina 4 de 12
SUBVENCIONS CSV: AAA148-E43AE8-2248D2-86TCEL-T466RG-FD

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>



CONCELLO DE VIGO
Secretaría de Goberno Local

Xuño			
Martes 6 20 h	Concerto de premiados no IX Concurso de Música de Cámara do CSMVigo	ABRENTE	Auditorio de Praza do Rei
Xoves 8 20 h	Acto de Graduación e Clausura do Curso Académico 2022-23	ACTO GRADUACIÓN	Auditorio Martín Códax

A memoria económica que se achega a esta proposta, incorpora o orzamento xeral de gastos e ingresos do programa polo importe total de 8.015 € (oito mil quince euros) financiándose coas seguintes achegas:

- Concello de Vigo: 4.000 euros
- Consellería de Cultura: 4.000 euros
- Conservatorio Superior de Música: 15 euros

DOCUMENTACIÓN.-

Por parte da asociación, presentouse a documentación relativa ao expediente de subvención, que está integrada pola seguinte:

- Solicitud e autorización á consulta dos datos tributarios
- Memoria e orzamento da actividade
- Certificado de estar ao corrente de pagos coa Axencia Tributaria
- Certificado de estar ao corrente de pagos coa Xunta de Galicia
- Certificado de estar ao corrente de pagos co Concello de Vigo
- Certificado de estar ao corrente de pagos coa Seguridade Social
- Certificación da conta bancaria
- Declaración de non estar incurso en prohibición para obter subvencións.
- Declaración doutras axudas.
- Seguro de responsabilidade civil.

LEXISLACIÓN APLICABLE.-

A concesión da subvención que outorgue o Concello de Vigo ao Conservatorio Superior de Música de Vigo, para a organización do " VIII Festival da Música e das Artes Vigo nas Ondas 2023", obxecto deste convenio, rexirase pola Lei 38/2003 do 17 de novembro, xeral de subvencións e o RD 887/2006, do 21 de xuño, polo que se aprobou o seu regulamento, nos seus preceptos básicos; R.D. Leg 2/2004, de 5 de marzo TRLRFL, Lei 7/1985, de 2 de abril RBRL e demais lexislación básica do estado en materia de réxime local; a Lei 9/2007, de 13 de xuño de subvencións de Galicia; os preceptos non básicos da Lei 38/2003 e do RD 887/2006; as bases de execución dos vixentes orzamentos municipais e as restantes normas de dereito administrativo, e no seu defecto, as normas de dereito privado.

Será responsabilidade da entidade a correspondente xestión e autorización dos dereitos de autor, ou de calquera outra obriga derivada do Real Decreto-lexislativo 1/1996 do 12 de abril, polo que se aproba o Texto Refundido da Lei de Propiedade Intelectual.



Copia do documento - Concello de Vigo	Data impresión: 15/05/2024 19:09	Páxina 5 de 12
SUBVENCIONS	CSV: AAA148-E43AE8-2248D2-86TCEL-T466RG-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

A concesión da subvención directa á entidade "Conservatorio Superior de Música de Vigo" deberá axustarse ao previsto no art. 22.2 apartados a) e c) da Lei 38/2003 xeral de subvencións, tanto por estar prevista nominativamente no orzamento do Concello de Vigo do 2023, como polo interese público, social e cultural que supón a actividade para a cidade de Vigo; acreditado na concordancia do programa singular a executar, os fins estatutarios da entidade, a súa complementariedade coa actividade cultural organizada polo Concello e marcada diferenza coa oferta doutras entidades, polo cal non procede promover a concorrencia para o seu outorgamento.

ÓRGANO DE RESOLUCIÓN E ÁMBITO DE COMPETENCIAS .-

O órgano de goberno para a concesión desta subvención directa é a Xunta de Goberno Local.

O obxecto do expediente corresponde as materias de competencia propia do Concello segundo os artigos 25.2. m da Lei 7/1985, do 2 de abril, promoción da cultura e equipamentos culturais e o 80.2. n) (actividades culturais) da Lei 5/1997, de administración local de Galicia.

FINANCIAMENTO DA SUBVENCIÓN.-

A subvención do Concello de Vigo á entidade "Conservatorio Superior de Música de Vigo" ten como obxecto financiar a organización do “ **VIII FESTIVAL DA MÚSICA E DAS ARTES NAS ONDAS 2023**” figurando na aplicación **3340.480.00.12** do orzamento municipal vixente a concesión dunha subvención nominativa por importe de 4.000 €, a favor da entidade.

A subvención do Concello de Vigo á entidade " Conservatorio Superior de Música de Vigo" é compatible con outras subvencións, axudas, ingresos ou recursos para a mesma finalidade procedentes de calquera outras administracións ou entes públicos ou privados.

CONDICIÓNS DE CONCESIÓN DA SUBVENCIÓN

A resolución de concesión da subvención deberá establecer as condicións e compromisos aplicables (segundo se establece tanto na Lei Xeral de Subvencións como na Lei de subvencións de Galicia), que se detallan na proposta.

Coa conformidade do concelleiro-delegado da Área de Cultura e mailo concelleiro-delegado da Área de Orzamentos e Facenda, tralos informes xurídico e da Intervención Xeral do Concello de Vigo, faise a seguinte

PROPOSTA Á XUNTA DE GOBERNO LOCAL.-

“PRIMEIRO.- Aprobar a concesión directa da subvención de 4.000 euros (catro mil euros) ao Conservatorio Superior de Música de Vigo , CIF. Q-8650014G, para o financiamento do VIII Festival da Música e das Artes Nas Ondas 2023, organizado por esta entidade; e autorizar e dispoñer o devandito gasto con cargo á aplicación orzamentaria 3340.480.00.12 "SUBVENCIÓN CMUS", que figura no orzamento municipal vixente do Concello de Vigo.



Copia do documento - Concello de Vigo	Data impresión: 15/05/2024 19:09	Páxina 6 de 12
SUBVENCIONS	CSV: AAA148-E43AE8-2248D2-86TCEL-T466RG-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
Secretaría de Goberno Local

SEGUNDO.- As condicións que rexirán a subvención serán as seguintes:

OBRIGAS DA ENTIDADE

- 1) E de responsabilidade da Entidade :
 - a. A organización das actividades a través dun equipo de profesionais dirixidos e/ou supervisados pola ENTIDADE,
 - b. A organización integral do programa, a súa ampla difusión e a dispoñibilidade dos espazos, e solicitude, de ser o caso, dos permisos correspondentes para a utilización dos mesmos, solicitude de ocupación de vía pública, cargas e descargas, instalación de elementos, etc.
 - c. Cumprimento do programa obxecto da subvención e o abono dos gastos relativos á organización da actividade, tanto directos como indirectos (contratacións, produción, dereitos de autor derivados da programación, material de difusión, aluguer e uso de espazos de ser o caso, e demais infraestruturas necesarias para o desenvolvemento efectivo da actividade).
- 2) Actuará como interlocutor único ante a CONCELLERÍA D. Esteban Valverde Corrales, director do CSMVigo.
- 3) Cumprir coas obrigas fiscais, así como das disposicións vixentes en materia laboral, de Seguridade Social e de saúde e hixiene no traballo.
- 4) Ter incorporado os anagramas-logotipos do Concello de Vigo nos elementos de difusión da actividade subvencionada
- 5) Comunicar á CONCELLERÍA as modificacións das circunstancias que fundamentasen a concesión da subvención (art.11.d da Lei 9/2007 de subvencións de Galicia), en particular os cambios ou cancelacións de elementos do proxecto de actividades, obtención doutras subvencións, axudas ou recursos que modifiquen o financiamento, no momento en que teña constancia da súa dispoñibilidade ou efectividade, e en en todo caso, con anterioridade á xustificación da aplicación dada aos fondos percibidos; co obxecto de determinar a oportunidade da autorización da modificación ou substitución por outros programas, ou ben proceder á redución do importe da subvención concedida ou reintegro.

A alteración das condicións tidas en conta para a concesión da subvención poderá dar lugar á modificación da resolución de concesión (art.17.3 da citada Lei).

- 6) A concesión da subvención á ENTIDADE implica a súa aceptación das obrigas sinaladas na resolución de concesión e nas normativas citadas sobre subvencións; particularmente sobre as obrigas sinaladas nos artigos 11 e 12, xustificacións, reintegros e subcontratación previstos na Lei 9/2007 do 13 de xuño de subvencións de Galicia.



Copia do documento - Concello de Vigo	Data impresión: 15/05/2024 19:09	Páxina 7 de 12
SUBVENCIONS	CSV: AAA148-E43AE8-2248D2-86TCEL-T466RG-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

- 7) Responsabilizarse fronte a calquera dano que se cause a terceiros con ocasión do desenvolvemento do programa e a ditos efectos ter contratado e dispoñer dunha póliza de seguro de responsabilidade civil que atenda calquera accidente ou incidencia que se puido producir en relación ao desenvolvemento do evento. Neste sentido, A ENTIDADE presenta copia do seguro de responsabilidade civil.

OBRIGAS DO CONCELLO. MECANISMOS DE ASISTENCIA TÉCNICA

A tramitación da subvención e xestión do pagamento do importe da subvención (4.000 €), tras o cumprimento dos requisitos de xustificación e conformidades necesarias.

MECANISMOS DE SEGUIMENTO DA SUBVENCIÓN. UNIDADE XESTORA

O centro xestor da subvención á ENTIDADE é a Área de Cultura do Concello de Vigo, a través do Xefe do servizo de Xestión e Promoción Cultural, a quen comunicará calquera incidencia do proxecto subvencionado.

O centro xestor ten a encomenda de comprobación da realización das actividades do proxecto subvencionado e de informar sobre a adecuada xustificación da subvención poñendo de manifesto, expresamente, o cumprimento total do obxecto da subvención ou aquelas circunstancias que imposibiliten a aprobación da xustificación, xunto coa conformidade dos documentos xustificativos presentados.

PAGAMENTO DA SUBVENCIÓN

O CONCELLO xestionará o pagamento á ENTIDADE polo importe da subvención outorgada ou resultante, trala entrega do informe final coa rendición da conta xustificativa; previa aprobación da achega pola Xunta de Goberno Local, emisión dos informes técnicos, e co conforme do concelleiro-delegado da Área de Cultura.

A xustificación deberá facerse coa presentación na sede electrónica das facturas correspondentes ao gasto do proxecto ou actividade ademáis deberá achegar un balance que abrangue a totalidade do gasto ou unha certificación na que se acredite que o programa ou actividade que obxecto da subvención executouse na súa totalidade e o seu custo final foi de XX.XXX euros.

En cumprimento da obriga imposta polo artigo 14.2.a) da Lei 39/2015, do 1 de outubro, de Procedemento Administrativo Común das Administracións Públicas (LPAC), A ENTIDADE está obrigada a relacionarse electrónicamente coas Administracións Públicas. Xa que logo, para proceder á xustificación do cumprimento da finalidade para a que se concede a subvención e, no seu caso, da aplicación dos fondos recibidos, deberá achegar a conta xustificativa a través da sede electrónica do Concello de Vigo, por calquera dos mecanismos de identificación admitidos na mesma, que se poden consultar no enlace <https://sede.vigo.org/expedientes/usuarios/login.jsp?lang=ga>.

A tenor do disposto no art. 81 do Regulamento da Lei Xeral de Subvencións establécese o emprego de medios electrónicos, informáticos e telemáticos para o procedemento de xustificación



Copia do documento - Concello de Vigo	Data impresión: 15/05/2024 19:09	Páxina 8 de 12
SUBVENCIONS	CSV: AAA148-E43AE8-2248D2-86TCEL-T466RG-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
Secretaría de Goberno Local

das subvencións, con indicación dos trámites que deberán ser cumprimentados por vía electrónica, informática ou telemática e os medios electrónicos e sistemas de comunicación utilizables, que deberán axustarse ás especificacións que se establezan por Orde do Ministerio de Economía e Facenda (Orde EHA/2261/2007, do 17 de xullo, pola que se regula o emprego de medios electrónicos, informáticos e telemáticos na xustificación de subvencións). A tal efecto, a entidade beneficiaria achegará a documentación xustificativa por medios electrónicos, informáticos e telemáticos (EIT), resultando esixible a aportación de facturas electrónicas e/ou copias dixitalizadas compulsadas das facturas orixinais en papel.

Documentación a incluír na conta xustificativa:

- Solicitud de pagamento da subvención, tendo como límite o 13 de novembro de 2023.
- Acreditar atoparse ao corrente das súas obrigas tributarias coa Axencia Tributaria, Consellería de Facenda da Xunta de Galicia, Tesourería Xeral da Seguridade Social e Concello de Vigo.
- Memoria de execución e avaliación da actividade realizada, que xustificará o cumprimento das condicións impostas e a consecución dos obxectivos, que deberá incluír como mínimo:
 1. Programa con información sobre organización, patrocinio, colaboradores, venda de entradas, etc.
 2. Datos sobre os participantes nas actividades, número e perfil dos asistentes.
 3. Memoria de prensa.
 4. Relación de material gráfico e de difusión contendo os logotipos do Concello de Vigo.
 5. Reportaxe fotográfica.
- Memoria económica contendo o balance detallado coa totalidade dos gastos e ingresos da actividade, con indicación dos acredores, conceptos facturados, datas de emisión e importe; acreditados con documentos orixinais pola parte subvencionada.
- Cando as actividades fosen financiadas, ademais de coa subvención, con fondos propios ou outras subvencións ou recursos, deberá acreditarse na xustificación o importe, a procedencia, data de ingreso e a aplicación de tales fondos ás actividades subvencionadas.
- As facturas ordenadas segundo o concepto de gasto a que se atribúen e nas que figure a ENTIDADE como entidade destinataria, deberán recoller o seu número e data, CIF, denominación e domicilio social do emisor, conceptos, importes, IVE, etc. Estes xustificantes quedarán a disposición do Concello de Vigo. Non se admitirán facturas fotocopiadas ou compulsadas nin aquelas que non reúnan as condicións previstas no RD. 1619/2012, de 30 de novembro, polo que se regula o deber de expedir e entregar facturas que incumbe a empresarios e profesionais.
- Nestas facturas computarase o gasto acreditado, deducindo o IVE, agás que xustifique que está exenta de IVE.
- Nas facturas ou nos documentos xustificativos dos gastos non deberá constar de forma expresa que o gasto foi pagado pola entidade beneficiaria con anterioridade á finalización do prazo de xustificación; entendéndose baixo a responsabilidade do beneficiario que o concepto facturado está realizado e conta coa súa conformidade.



Copia do documento - Concello de Vigo	Data impresión: 15/05/2024 19:09	Páxina 9 de 12
SUBVENCIONS	CSV: AAA148-E43AE8-2248D2-86TCEL-T466RG-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

Gastos subvencionables:

Considerarase como gasto subvencionable os realizados no ano 2023 que se xustifiquen coa correspondente factura con anterioridade a finalización do período de xustificación, por tratarse a perceptora da subvención dunha entidade sen fin lucrativo e en consideración a que o importe da subvención constitúe unha das formas de financiamento para levar a cabo as actuacións inherentes á subvención e ademais non se contempla a realización de pagos a conta ou anticipados.

Consideraranse gastos subvencionables, os realizados no ano 2023 que respondan directa e indubidablemente á natureza da actividade subvencionada, resulten estritamente necesarios e se realicen dentro do prazo establecido para a execución do proxecto, quedando excluídos os custos indirectos imputables á actividade, os custos de funcionamento ordinario da entidade, os de atencións protocolarias e representativas, e os gastos en inversións e adquisicións de material, equipos e bens de natureza inventariable.

En ningún caso o custo de adquisición dos gastos subvencionables poderá ser superior ao valor de mercado.

Non se contempla a posibilidade de subcontratación dos gastos derivados da execución do programa subvencionado.

Importe total de subvencións ou axudas:

A subvención do Concello á ENTIDADE é compatible con outras subvencións, axudas, ingresos ou recursos para a mesma finalidade procedentes de calquera outra administración ou de entes públicos ou privados, nacionais, da Unión Europea ou de organismos internacionais.

O importe das subvencións ou axudas percibidas pola ENTIDADE para a actividade subvencionada en ningún caso poderá ser de tal contía que, illadamente ou en concorrencia con outras subvencións, axudas, ingresos ou recursos, supere o custo da actividade ou obxecto subvencionados (art.17.3 da Lei 9/2007 de subvencións de Galicia).

XUSTIFICACIÓN DA SUBVENCIÓN

A axeitada xustificación da subvención, a realización da actividade subvencionada e o cumprimento da finalidade que determinou a súa concesión será comprobada pola Área de Cultura. Os técnicos da Área de Cultura emitirán informe ao respecto facendo constar, no seu caso, todas aquelas circunstancias que poidan resultar relevantes en orde a considerar incumplida ou defectuosamente cumprida a actividade subvencionada.

INFORMACIÓN E PUBLICIDADE



Copia do documento - Concello de Vigo	Data impresión: 15/05/2024 19:09	Páxina 10 de 12
SUBVENCIONS	CSV: AAA148-E43AE8-2248D2-86TCEL-T466RG-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		



CONCELLO DE VIGO
Secretaría de Goberno Local

A beneficiaria deberá facilitar toda a información que lle sexa requirida pola CONCELLERÍA e pola Intervención Xeral Municipal, Tribunal de Contas e Consello de Contas, no exercicio das súas funcións de fiscalización e control do destino das subvencións.

O CONCELLO publicará a concesión da subvención no portal de transparencia do Concello e comunicarllo á Base de Datos Nacional de Subvencións para os efectos de dar cumprimento ao disposto nos artigos 18 da LXS e 8.1.c) da Lei 19/2013 de Transparencia, Acceso á Información Pública e Bo Goberno.

REINTEGRO

Procederá ao reintegro das cantidades percibidas e a esixencia de xuros de demora desde o pagamento da subvención até a data na que se acorde a procedencia do reintegro nos casos do artigo 33 LSG.

INFRACCIÓNS E SANCIÓN

En canto ás infraccións e sancións en que poida incurrir a beneficiaria da subvención e o procedemento para a súa apreciación e imposición, estarase ao disposto no título IV da Lei 9/2007, de 13 de xuño, de subvencións de Galicia, e na Lei 39/2015, do 1 de outubro, do procedemento administrativo común das administracións públicas.

De conformidade co artigo 32.2 do Regulamento da Lei Xeral de Subvencións a achega municipal configúrase como un importe certo, entendendo que queda por conta do beneficiario a diferenza de financiamento necesario para a total execución da actividade subvencionada, debendo ser reintegrado en tal caso

PROTECCIÓN DE DATOS DE CARÁCTER PERSOAL

A beneficiaria está informada de que os seus datos e os do seu representante serán incorporados aos ficheiros municipais; de que a finalidade da súa recollida é a instrución do procedemento para a concesión da subvención, a práctica das publicacións, comunicacións e notificacións de obrigado cumprimento, o seguimento e comprobación da actividade subvencionada e demais actuacións previstas na Lei de subvencións de Galicia, en orde á conclusión do proceso de subvención, polo que a súa achega é obrigatoria.

Os ditos datos serán tratados e protexidos de acordo co previsto na Lei 39/2015, do 1 de outubro, do procedemento administrativo común das administracións públicas e na Lei Orgánica 3/2018, do 13 de decembro, de Protección de Datos Persoais e garantía dos dereitos dixitais, sendo responsable do seu tratamento a Concellería de Cultura.

A beneficiaria poderá exercer os dereitos de acceso, rectificación, cancelación e oposición ante a Concellería de Cultura do Concello de Vigo.

LEXISLACIÓN APLICABLE



Copia do documento - Concello de Vigo	Data impresión: 15/05/2024 19:09	Páxina 11 de 12
SUBVENCIONS	CSV: AAA148-E43AE8-2248D2-86TCEL-T466RG-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		

A concesión da subvención rexeráse pola Lei 38/2003 do 17 de novembro, xeral de subvencións e o RD 887/2006, do 21 de xuño, polo que se aprobou o seu regulamento, nos seus preceptos básicos; R.D.L. 2/2004, de 5 de marzo TRLRFL, Lei 7/1985, de 2 de abril RBRL e demais lexislación básica do estado en materia de réxime local; a Lei 9/2007, de 13 de xuño de subvencións de Galicia; os preceptos non básicos da Lei 38/2003 e do RD 887/2006; as bases de execución dos vixentes orzamentos municipais e as restantes normas de dereito administrativo, e no seu defecto, as normas de dereito privado.

Será responsabilidade da entidade a correspondente xestión e autorización dos dereitos de autor, ou de calquera outra obriga derivada do Real decreto-lexislativo 1/1996 do 12 de abril, polo que se aproba o Texto refundido da lei de propiedade intelectual.

ACORDO

A Xunta de Goberno local aproba a proposta contida no precedente informe.

E para que así conste e produza os seus efectos, emito a presente certificación coa salvedade do artigo 206 do Regulamento de organización, funcionamento e réxime xurídico das entidades locais, de orde do Excmo. Alcalde, en Vigo na data da sinatura dixital.

SGF/me.

V. e Pr.

O ALCALDE,
Abel Caballero Álvarez.



Copia do documento - Concello de Vigo	Data impresión: 15/05/2024 19:09	Páxina 12 de 12
SUBVENCIONS	CSV: AAA148-E43AE8-2248D2-86TCEL-T466RG-FD	
Pode validar e/ou obter copia electrónica do documento utilizando o código QR da esquerda ou o código de verificación na dirección http://www.vigo.org/csv		